

水經注卷五

漢 桑 欽撰



後魏酈道元注

河水五 潔水

河水又東過平陰縣北湛水從北來注之河水又東逕河陽縣故城南

春秋經書天王狩于河陽壬申公朝于王所晉侯執衛侯而歸于京師春秋左傳僖公二十八年冬會于溫執衛侯是會也晉侯召襄王以諸侯見且

水經注

卷五

使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽溫也班固漢書地理志司馬彪袁崧郡國志晉太康地道記十三州志河陽別縣非溫邑也漢高帝六年封陳涓為侯國王莽之河亭也十三州志曰治河上河孟津河也郭緣生述征記曰踐土今治坂城是名異春秋焉非今河北見者河陽城故縣也在治坂西北蓋晉之溫地故羣儒有溫之論矣魏土地記曰治坂城舊名漢祖渡城嶮固南臨孟津河洛

陽西北四十二里故鄧鄉矣

河水又逕臨平亭北

帝王世紀曰光武葬臨平亭南西望平陰者也

河水又東逕洛陽縣北

河之南岸有二

宋本一作一

碑北面題云洛陽北界水二

渚分爲之也上舊有河平侯祠祠前有碑今不知

所在郭頒世語曰晉文王之世大魚見孟津長數

百步高五丈頭在南岸尾在中渚河平侯祠卽斯

祠也

水經注

卷五

二

河水又東逕平縣故城北

漢武帝元朔三年封濟北貞王子劉遂爲侯國王

莽之所謂治平矣俗謂之小平也有高祖講武塲

河北側岸有二城相對置北中郎府徙諸從隸府

戶并羽林虎賁領隊防之河水南對首陽山春秋

所謂首戴也夷齊之歌所矣宋本作夷齊之

歌所以曰登宋本上有夷齊之廟前有二碑並是後漢

彼西山矣

河南尹廣陵陳導洛陽令徐循與處士平蘇騰南

陽何進等立事見其碑又有周公廟魏氏起玄武

觀於芒垂、張景陽玄武觀賦所謂高樓特起、竦峙
岩甍直亭亭以孤立、延千里之清飈也。朝廷有當作

又古置冰室於斯阜。室內有冰井。春秋左傳曰：日通用

在北陸而藏水。常以十二月採冰於河津之隘。峽

石之阿北陰之中。卽邠詩二之日鑿冰冲冲矣。而

內於井室。所謂納於陵陰者也。河南有鉤陳壘。世

傳武王伐紂。八百諸侯所會處。尚書所謂不期同

時也。紫微有鉤陳之宿。主鬪訟兵陣。故遁甲攻取

之法。以所攻神與勾陳并氣。下制所臨之辰。則秩

水經注

卷五

疑禽敵。是以壘資其名矣。河水至謝作由斯有盟

津之目。論衡曰：武王伐紂。升舟陽侯。波起疾風。疾

當作流。武王操黃鉞而麾之。風波畢除。中流白魚

入於舟。熾以告天。與八百諸侯咸同此盟。尚書所

謂不謀同辭也。故曰孟津。亦曰盟津。尚書所謂東

至于孟津者也。又曰富平津。晉陽秋曰：杜預造橋

於富平津。所謂造舟爲梁也。又謂之曰陶河。魏尚

書僕射杜畿以帝將許魏志云帝試樓船覆於陶

河。謂此也。昔禹治洪水。觀於河。見白面長人魚身

元凱以大久於此
故獨思以成之

出口吾河精也。授禹河圖而還於淵。及子朝篡位，與敬王戰，乃取周之寶玉，沈河以祈福。後二日，津人得之於河上，將賣之，則變而為石。及敬王位定，得玉者獻之，復為玉也。

河水又東，沮水入焉。

山海經曰：和山上無草木，而多瑤碧，實惟河之九

都是山也。五典

山海經作五曲

九水出焉，合而北流，注于

河。其陽多蒼玉，吉神泰逢司之。是於黃山之陽。

山海

經作是好居於黃山之陽

出入有光。呂氏春秋曰：夏后氏孔甲

水經注

卷五

四

田於東陽，黃山遇大風雨，迷惑入于民室，皇甫謐

帝王世紀以為即東首陽山也。蓋是山之殊目矣。

今於首陽東山無水，以應之。當是今古世懸川域

改狀矣。昔帝堯修壇河洛，擇良議沈，率舜等升於

首山而導河渚，有五老遊焉。相謂河圖將來，告帝

以期知我者重瞳也。五老乃翻為流星而升於鼎

即於此也。

論語比考識曰：堯與舜等遊首山，觀河渚有五老遊河一老曰：河圖將來告帝。

期河圖將浮龍銜玉苞刻版題命可卷金泥玉檢書成知我者重瞳黃姚歌訖五老飛入于鼎。

又東沛水注焉。又東過鞏縣北。

孫云沛水當作沛水。沛與濟同。此後濟水。

山當直為改正

中凡有沛水者並誤矣

河水於此有五社渡為五社津建武元年朱鮪遣持節使者賈彊討難將軍蘇茂將三萬人從五社津渡攻溫馮異遣校尉與寇恂合擊之大敗追至河上生擒萬餘人投河而死者數千人縣北有山臨城謂之崆嶺丘其下有穴謂之鞏穴言潛通浦北達於河直穴有渚謂之鮪渚成公子安大河賦曰鱣鯉王鮪暮來遊周禮春薦鮪然非時及佗處則無故河自鮪穴已上又兼鮪稱呂氏春秋稱武

譚云語簡而

水經注

卷五

五

王伐紂至鮪水紂使膠鬲候周師即是

洛水從縣西北流注之

洛水於鞏縣而東洛汭北對琅邪渚入于河謂之洛口矣自縣西來而北流注洛清濁異流皦焉殊別應瑒靈河賦曰資虛川之遐源出崑崙之神丘涉津洛之峻泉播九道於中州者也

原賦虛作靈峻作吸

又東過成臯縣北濟水從北來注之

錐指作平臯

河水自洛口又東左逕平高縣南又東逕懷縣南濟水故道之所入與成臯分河水

河水又逕黃馬坂北

謂之黃馬關孫登之去楊駿作書與洛中故人處

也晉書云武帝崩楊駿輔政百官總已入室怨望天下憤然駿自知素無美望乃徵高士孫登遺

以布被登截被於門大呼曰斫斫刺刺旬日託疾詐死後駿果敗死于馬廐

河水又東逕旋門坂北

今成臯西大坂者也昇陟此坂而東趣成臯也曹

大家東征賦曰望河洛之交流看成臯之旋門者

也

河水東逕成臯大伾山下

孫云按史記括地志云大伾山今名黎陽東山在衛

水經注

卷五

六

州黎陽南張揖云今成臯非也

爾雅曰山一成謂之伾許慎呂忱等並以爲丘一

成也孔安國以爲再成曰伾亦或以爲地名非也

尚書禹貢曰過洛汭至大伾者也鄭康成曰地喉

也流宋本作流出伾際矣然則大伾在河內修武武德

之界濟沆之水與滎播澤出入自此然則大伾即

是山矣伾北即經所謂濟水從北來注之者也今

沛水自溫縣入河不於此也所入者奉濟舊本作溝水

耳即溝舊本作濟沆之故瀆矣成臯縣之故伾上滎帶

疑有脫字

宋云編有此
種新講

朱云二字古
甚

鍾云胸中無
有傷深情四
字不能注水
經

亓阜絕岸峻周高四十許丈城張翕嶮崎而不平

春秋傳曰制巖邑也號叔死焉即東號也魯襄公

二年七月晉成公與諸侯會于咸左傳作咸遂城虎牢

以逼鄭求平也蓋修故耳穆天子傳曰天子射鳥

獵獸於鄭圃命虞人掠林有虎在乎舊本作於葭中天

子將至七萃之士高奔戎生擒虎而獻之天子命

之為柙畜之東虞是日虎牢矣然則虎牢之名自

此始也秦以為關漢乃縣之城西北隅有小城周

三里北面列觀臨河岩岩孤上景明中言之壽春

水經注

八卷五

七

路直茲邑昇眺清遠勢盡川陸羈途遊至有傷深

情

河水南對玉門

昔漢祖與滕公潛出濟於是處也門東對臨河側

岸有土穴魏攻此宋本同州刺史毛德祖於虎牢

戰經二百日不尅城唯一井井深四十丈山勢峻

峭不容防捍潛作地道取井余頃因公至彼故往

尋之其穴處猶存

河水又東合汜水

汜音似汜水在
成臯故城東

水云畦畦澆
用前

水南出浮戲山。世謂之曰方山也。北流車關水出
于嵩渚之山也。泉發於層阜之上。一源兩枝。分流
瀉注。世謂之石泉水也。東流為索水。西注為車關
西北流。楊蘭水注之。水出非山。西北流注為車關
水。又西北。蒲水入焉。水自東浦西流。與車關水合
而亂流。注于汜。汜水又北。右合石城水。水出石城
山。其山複澗重嶺。欹疊若城。山頂泉流。瀑布懸瀉。
下有濫泉。東流洩注。邊有數十石畦。畦有聲。宋本
作數野蔬巖側。石窟數口。隱跡存焉。而不知誰所經始

水經注

卷五

八

也。又東北流。注入于汜水。汜水下北。合鄭水。水西
出婁山。至冬則煖。故世謂之溫泉。東北流。逕田鄭
谷。謂之田鄭溪。水東流。注于汜水。汜水又北。逕虎
牢城東。漢破司馬欣曹咎於是。水之上。汜水又北。
流。注于河。征難賦。盧諶有
征艱賦所謂步汜口之芳草。弔
周襄之鄙館者也。余按。疑脫一
先字儒之論周襄所居
在潁川襄城縣。是乃城名。非為水目。原夫致謬之
由。俱以汜鄭為名故也。是為爽矣。又按郭緣生述
征記。劉澄之永初記。並言高祖即帝位。於是水。當

譚云汜汜一
字不同汜从

過衝要。疏決壅積。十里一水門。更相洄注。無復潰漏之患。明年渠成。帝親巡行。詔濱河郡國置河堤。員吏如西京舊制。景山是顯名。王昊及諸從事者。皆增秩一等。順帝陽嘉中。又自汴口以東。緣宋本作緣積石為堰。河宋本無通淮。古疑作古口。咸曰金堤。靈帝建寧中。又增修石門。以遏淮口。水盛則通注。津耗則輟流。御覽作自汴河口以東。緣河積石為堰。通淮曰金堤。河水又東北。逕卷之扈亭北。

水經注 卷五 春秋左傳曰。文公七年。晉趙盾與諸侯盟于扈。竹

書紀年。晉出公二十二年。河絕於扈。卽於是也。河水又東。逕八激堤北。

漢安帝永初七年。令謁者太山于岑。於石門東積石八所。皆如小山。以捍衝波。謂之八激堤。

河水又東。逕卷縣北。

晉楚之戰。晉軍爭濟舟中之楫。可掬。楚莊祀河。告成而還。卽是處也。

河水又東北。逕赤岸。固北而東北。注之。又東北。過武德縣東。沁水從之。

河水自武德縣漢獻帝延康元年封曹叡為國即
魏明帝也

東至酸棗縣西濮水東出焉

漢興三十有九年孝文時河決酸棗東潰金堤大
發卒塞之故班固云文墜棗野武作瓠歌謂斷此
口也今無水

河水又東北通謂之延津

鍾云投璧毀
壁非斬蛟人

石勒之襲劉曜途出于此以河水泮為神靈之助
號是處為靈昌津昔澹臺子羽齎千金之璧渡河

水經注

卷五

十一

所能為然
是子羽所以
斬蛟之本
譚云斬匠而
還與毀壁而
去相形映一
遲豪於壁一
淺怒於匠此
津亦可為廉
亦可為忍

陽侯波起兩蛟挾舟子羽曰吾可以義求不可以
威劫操劍斬蛟蛟死波休乃投璧於河三投而輒
躍出乃毀壁而去示無恚意趙建武中造浮橋於
津上採石為中濟石無大小下輒流去用功百萬
經年不就石虎親閱作工沈璧於河明日璧流渚
上波蕩上岸遂斬匠而還

河水又東燕縣故城北則有濟水自北來注之

河水於是有棘津之名亦謂之濟津故南津也春
秋僖公二十一年晉將伐曹曹在縣東假道于衛

衛人不許還自南河即此濟也宋本作濟即此也左傳作二十八年

亦作還自南河濟河水於是亦有棘津之名晉伐陸渾亦

於此渡宋元嘉年遣輔國將軍蕭斌率寧朔將軍

王玄謨北入宣威將軍桓護之以水軍守石濟即

此處也

河水又東淇水入焉又東逕遮害亭南

漢書溝洫志曰在淇水口東十八里有金隄隄高

一丈自淇口東地稍下隄稍高至遮害亭四五丈

又有宿胥口舊河水北入也

水經注

卷五

古澤河水又東右逕滑臺城

有三重中小城謂之滑臺城舊傳滑臺人自修築

此城因以名焉城即故鄭廩延邑也下有延津春

秋傳曰孔悝為蒯贖所逐載伯姬于平陽行于延

津是也廩延南故城即衛之平陽亭也今時人謂

此津為延壽津宋元嘉中右軍到彥之留建威將

軍朱修之守此城魏軍南伐修之執節不下其母

悲憂一旦乳汁驚出母乃號踊告家人曰我年老

非有乳時念忽如此吾兒必沒矣修之絕援果以

水經中五十一
事何

其日陷沒城故東郡治續漢書曰延熹九年濟陰

東郡濟北平原河水清襄楷上疏曰襄楷詳春秋後漢書

注記未有河清而今有之易乾鑿度曰上天將降

嘉應河水先清京房易傳曰河水清天下平天垂

翼地吐妖民厲疾三者並作而有河清春秋麟不

當見而見孔子書以為異河者諸侯之相宋本作象清

者陽明之徵豈獨諸侯有窺京師也明年宮車晏

駕徵解瀆侯為漢嗣是為靈帝建寧四年二月河

水又清也

水經注

卷五

又東北過黎陽縣南

黎侯國也詩式微黎侯寓于衛是也晉灼曰黎山

在其南河水逕其東其山上碑云縣取山之名取

水之陽以為名也王莽之魏丞也今黎山之東北

故城蓋黎陽縣之故城也山在城西城憑山為基

東咀為河故劉楨黎陽山賦曰南陰黃河左覆金

城青壇承祀高碑頌靈昔慕容玄明自鄴率眾南

徙滑臺既無舟楫將保黎陽昏而流澌冰合於夜

中濟訖旦而冰泮燕民謂是處為天橋津東岸有

於此河

故城嶮帶長河戴延之謂之逮明壘周二十里言
逮明石勒十八騎中城因名焉郭緣生日城袁紹
時築皆非也余按竹書紀年梁惠成王十三年鄭
釐侯使許息來致地平丘戶牖首垣諸邑及鄭馳
地我取枳道與鄭鹿鄭鹿卽是城也今城內有故
臺尚謂之鹿鳴臺又謂之鹿鳴城王玄謨自滑臺
走鹿鳴者也濟取名焉故亦曰鹿鳴津又曰白馬
濟津之東南有白馬城衛文公東徙渡河都之故
濟取名焉袁紹遣顏良攻東郡太守劉延於白馬

水經注

卷五

關羽爲曹公斬良以報効卽此處是也白馬有韋
鄉韋城故津亦有韋津之稱史記所謂修武下武
渡韋津者也河水舊於白馬縣南決當作通濮濟
黃溝故蘇代說燕曰決白馬之口魏無黃濟陽竹
書紀年梁惠成王十二年楚師決河水以水長垣

之外者也金堤旣建故渠水斷謂之白馬瀆故
瀆東逕鹿鳴城南又東北逕白馬縣之涼城北者
舊傳云耆舊二字疑衍東郡白馬縣之神馬亭實中層
峙南北二百步東西五十許步狀丘斬城也自外

冠有既後

宋云事奇

耕耘墾斫、削落平盡、正南有陟、躔、陞、上方軌、是由西南側城有神馬寺、樹木修整、西去白馬津、可二十許里、東南距白馬縣故城、可五十里、疑即開山圖之所謂白馬山也、山下常有白馬羣行、悲鳴、則河決、馳走、則山崩、注云山在鄭、故此鄭也、所未詳劉澄之云有白馬塞、孟達登之、長歎、可謂於川土疎妄矣、亭上舊曰置源、城縣治此、白馬瀆、又東南逕濮陽縣、散入濮水、所在決會、更相通、注以成、往復也。

水經注

卷五

十五

河水自津東北逕涼城縣

河北有般祠、孟氏記云、祠在河中、積石為基、河水漲盛、恒與水齊、戴氏西征記曰、今見祠在東岸、臨河累石為壁、其屋宇容身而已、殊似無靈、不如孟氏所記、將恐言之過也。

河水又東北逕伍子胥廟南

祠在北岸、頓丘郡界、臨側長河、廟前有碑、魏青龍三年立

河水又東北為長壽津

子胥何以得祠於此疑

碑云靈豈在

述征記曰涼城到長壽津六十里河之故瀆出焉
漢書溝洫志曰河之爲中國害尤甚故導河自積
石歷龍門二渠以引河一則漯川則今所流也一
則北瀆王莽時空一作塞故世俗名是瀆爲王莽河
也

故瀆東北逕戚城西

春秋哀公二年晉趙鞅率師納衛太子蒯聩于戚
宵迷陽虎曰右河而南必至焉令頓丘衛國縣西
戚亭是也爲衛之河上邑漢高帝十二年封將軍

水經注

卷五

十六

李必爲侯國矣

故瀆又逕繁陽縣故城東

史記趙將廉頗伐魏繁陽者也

北逕陰安縣故城西

漢武帝元朔五年封衛不疑爲侯國

故瀆又東北逕昌樂縣故城東

地理志東郡之屬縣也漢宣帝封王稚君爲侯國
故瀆又東北逕平邑郭西

竹書紀年晉烈公四年趙城平邑五年田公子居

思伐趙鄙圍平邑十年齊田汾及邯鄲韓舉戰于平邑邯鄲之帥敗遂獲韓舉取平邑新城

又東北逕元城縣故縣西北而至沙丘堰

史記曰魏武侯公子元食邑於此故縣氏焉

此出漢地

志應劭注非史記也疑字誤

郭東有五鹿墟墟之在左右多陷

城公羊曰襲邑也說曰襲陷矣郡國志曰五鹿墟

故沙鹿有沙亭周穆王喪盛姬東征舍於五鹿其

女叔姪屈此思哭是曰女姪之丘為沙鹿之異名

也春秋左傳僖公十四年沙鹿崩晉史卜之曰陰

水經注

卷五

十七

為陽雄土火相乘故有沙鹿崩後六百四十五年

宜有聖女興其齊田乎後王翁孺自齊徙元城正

直其地日月當之王氏為舜後土也漢火也王禁

生政君其母夢見月入懷年十八詔入太子宫生

成帝為元后漢祚道沿

宋本作道

四世稱制故曰火

土相乘而為雄也及崩大夫楊雄作誄曰太陰之

精沙鹿之靈作合於漢配元生成者也漢獻帝建

安中袁紹與曹操相襲於官渡紹逼大司農鄭玄

載病隨軍屈此而卒郡守已下受業者衰經赴者

永云應劭據禹貢解河似覺未安余謂播字如史記之斷漢書之灑孟子之疏菑子之決淮南之剔賈誼新書之彙字義耳

千餘人。玄注五經讖緯候歷天文經通於世。故范曄贊曰。孔書遂明。漢章中輟矣。縣北有沙丘堰者。不遵其道。曰降。亦曰潰。堰障水也。

至于大陸北播于九河

風俗通曰。河播也。播為九河。自此始也。禹貢兗州九河既道矣。謂徒駭太史馬頰覆釜胡蘇簡潔勾盤鬲津也。同為逆河。鄭玄曰。下尾合曰逆河。言相承受矣。蓋所潤下之勢。以通河海。及齊桓霸世。塞廣田居。同為一河。尚書中候云。齊桓之霸。遏八流以自廣。故自堰以

水經注

卷五

十八

北。館陶瘦陶貝丘鬲般廣光信都東光河間樂成以東。城地並存。川瀆多亡。漢世河決金堤。南北離其害。議者常欲求九河故迹。而川之未知其所。是以班固云。自茲距漢。北亡八枝者也。北亡八支據漢書改正河之故瀆。自沙丘堰南分屯氏河出焉。河水故瀆。東北逕發干縣北城西。又屈逕其北。

王莽之所謂戢楯矣。漢武帝以大將軍衛青破左賢王功。封其子登為侯國。

大河故瀆。又東逕貝丘縣故城南。

應邵曰左氏齊襄公田于貝丘是也余按京相璠杜預並言在博昌卽司馬彪郡國志所謂貝中聚者也應注於此事近違矣

大河故瀆又東逕其陵縣故城南

地理志之所謂厓也王莽改曰厓治者也漢安帝父孝德皇以太子被廢爲王薨於此乃葬其地尊陵曰其陵桓帝建和元年改曰其陵縣亦取名焉是周之其泉市地也陵在瀆北丘墳高巨雖中經發壞猶若層陵矣世謂之唐侯家城曰邑城皆非

水經注

卷五

十九

也昔南陽文叔良以建安中爲其陵丞夜宿水側趙人蘭襄夢求改葬叔良明循水求棺果於水側得棺半許落水叔良顧親舊曰若聞人傳此吾必以爲不然遂爲移殯醜而去之大河故瀆又東逕艾亭城南又東逕平晉城南今城中有浮圖五層上有金露盤題云趙建武八年比釋道龍和上竺浮圖澄樹德勸化與立神廟浮圖以當作壞露盤尚存燁燁有光明大河故瀆又東北逕靈縣故城南王莽之播亭也河瀆於縣別出爲鳴犢河河水

故瀆又東逕鄒縣故城東呂后四年以父嬰功封子佗龍爲侯國工莽更名之曰善陸

大河故瀆又東逕平原縣故城西而北絕屯氏二瀆北逕繹幕縣故城東北西流逕平原鬲縣故城西

地理志曰鬲津也王莽名之曰河平亭故有窮后國也應劭曰鬲偃姓咎繇後光武建武十三年封建議將軍朱祐爲侯國

大河故瀆又北逕修縣故城東又北逕安陵縣西本修之安陵鄉也地理志風俗記曰修縣東四十

水經注 卷五

里有安陵縣故縣也又東北至東光縣城西而

北與漳水合一水分

大河故瀆北出爲屯氏河逕館陶縣東東北出

漢書溝洫志曰自塞宣防河復北流於館陶縣分爲屯氏河廣深然大河等成帝之世河決館陶及

東郡金堤上使河堤謁者王延世塞之二十日堤

成前漢志作三十六日詔以建始五年爲河平元年以延世

爲光祿大夫是水亦斷屯氏故瀆水之又東北屯

氏別河出焉屯氏別河故瀆又東北逕信城縣張

脫拜字

甲出焉地理志曰張甲河及瀆首受屯氏別河於
信城縣者也張甲河及瀆北絕一本絕下
有清字河於廣

宗縣清分爲二瀆左瀆逕廣宗縣故城西又北逕
建始縣故城東田融云趙武帝三字
有誤二十二年立

建興治廣宗置建始興德五縣隸焉

左瀆又北逕經城東繚城西又逕南宮縣西北注絳
瀆右瀆又東北逕廣宗縣故城南又東北逕界城亭
北又東北逕長樂郡武彊縣故城東

長樂故信都也晉太康五年改從今名

水經注

卷五

二十一

又東北逕廣川縣與水故道合又東北逕廣川縣故
城西又東逕棘津亭南

徐廣曰棘津在廣川司馬彪曰縣北有棘津城呂
尚賣食之困疑在此也劉澄之云譙郡鄴縣東北
有棘津亭故邑也呂尚所困處也余按春秋左傳
伐巢克棘入州來無津字杜預春秋釋地又言棘
亭在鄴縣東北亦不云有津字矣而竟不知澄之
於何而得是說然天下以棘爲名者多未可咸謂
之棘津也又春秋昭公十四年晉侯使荀吳帥師

譚云亦可即
以釣作于字

涉自棘津用牲于洛遂滅陸渾杜預釋地闕而不

書服虔曰棘津猶孟津也徐廣晉紀又言石勒自

葛陂寇河北襲汲入向水於方頭濟自棘棘津在

東郡河內之間田融以為即石濟南津也雖千古

茫昧理世玄遠遺文逸句容或可尋公途隱顯方

土可驗司馬遷云呂望東海上人也老而無遇以

釣于

當作于

周文王又

脫一云字

呂望行年五十賣食棘

津七十則屠牛朝歌行年九十身為帝師皇甫士

安云欲隱東海之濱聞文王善養老故入釣于周

水經注

卷五

二十二

今汲水城亦言有呂望隱居處起自東海迄于鄴

雍緣其逕趣趙魏為密厝之譙宋事為疏矣

張甲故瀆又東北至修縣東會清河

十三州志曰張甲河東北至修縣入清漳者也

屯氏別河東枝津出焉東逕信成城南又東逕信陽

縣故城南清河郡北

魏自清陽徙置也

又東北逕陵鄉南又東北逕東武城縣故城南又東

北逕東陽縣故城南

地理志曰王莽更之曰胥陵矣俗人謂之高黎郭非也應劭曰東武城東北三十里有陽鄉故縣也又東散絕無復津逕

屯氏別瀆又東北逕清河郡南又東北逕清河故城

西

漢高六年封王吸爲侯國地理風俗志曰甘陵郡東南十七里有清河故城者世謂之鵲城也又東北經繹幕縣南分爲二瀆

屯氏別河北瀆東逕繹幕縣故城南東邑大河故瀆

水經注

卷五

二十三

又東北逕平原縣枝津北出至安陵縣遂絕

屯氏別河北瀆又東北逕重平縣故城南

應劭曰重合縣西南八十里有重平鄉故縣也又東北逕重合縣故城南又東北逕定縣故城南漢武帝元朔四年封齊孝王子劉成爲侯國地理風俗記曰饒安縣東南三十里有定鄉城故縣也

屯氏別河北瀆又東入信陽縣今無水又東爲咸河

東北流逕陽信縣故城北

地理志渤海之屬縣也東注于海

屯氏別河南瀆自平原東絕大河故瀆又逕平原縣故城北東北枝津又出東北至安德縣界東會商河

屯氏別河

南瀆又東北于平原界又有枝渠右出至安德縣遂

絕

孫云按上下文屯氏別河南瀆當相續

屯氏別河南瀆自平原城北首受大河故瀆東出亦通謂之篤馬河

卽地理志所謂平原縣有篤馬河東北入海五百六十里者也

水經注

卷五

二十四

東北逕安德縣故城西又東北逕臨齊城南

始東齊未賓大魏築城以臨之故城得其名也

又屈逕其城東故瀆廣四十步又東北逕重丘縣故城西

春秋襄公二十五年秋同盟重丘伐齊故也應劭

曰安德縣北五十里有重丘鄉故縣也

又東北逕西平昌縣故城北

北海有平昌縣故加西漢宣帝元康元年封王長君爲侯國故渠川派東入般縣爲般河蓋亦九河

般河疑卽句盤也

之一道也漢書稱公孫瓚破黃巾于般河卽此水也又東爲白鹿淵水南北三百步東西千餘步深三丈餘其水冬清而夏濁渟而不流若夏水洪泛水深五丈方乃通注般瀆

又逕般縣故城北

王莽更之曰分明也

東逕樂陵縣故城北

地理志曰故都尉治伏琛晏謨言平原邑今分爲郡

水經注

卷五

二十五

又東北逕陽信縣故城南東北入海

屯氏河故瀆自別河東逕其陵之信鄉縣故城南

地理志曰順帝更名安平應劭曰其陵西北十七里有信鄉故縣也

屯氏故瀆又東逕其陵縣故城北逕靈縣北又東北

逕鄒縣與鳴犢河故瀆合上承大河故瀆於靈縣南

地理志曰河水自靈縣別出爲鳴犢河者也

東北逕靈縣東東入鄒縣而北合屯氏

屯氏瀆兼鳴犢之稱也又東逕鄒縣城北東北合

大河故瀆謂之口十三州志曰鳴犢河東北至修
入屯氏考瀆則不至也

又東北右過衛國縣南又東北過濮陽縣北瓠子河
出焉水東逕鐵丘南

春秋左氏傳哀公二年鄭罕達帥師郵無恤御簡
子衛太子為右登鐵丘望見鄭師衛太子自投車
下即此處也京相璠曰鐵丘名也杜預曰在戚南

河之北岸有目城後漢志作聶城城戚邑也有子路冢河
之西岸有竿城舊本在河之有竿城吳作河北非今據宋本改正郡國志

水經注 卷五 二十六

曰衛縣有竿城者也河南有龍淵宮武帝元光中
河決濮陽汜郡十六發卒十萬人塞決河起龍淵
宮蓋武帝起宮於決河之傍龍淵之側故曰龍淵
宮也

河水東北流而逕濮陽縣北為濮陽津

故城在南與衛縣分水城北十里有瓠河口有金
隄宣房壩粵在漢世河決金隄涿郡王遵自益州
刺史遷東郡太守河水盛溢泛浸瓠子金隄決壞
遵躬率民吏投沈白馬祈水神河伯親執圭璧請

諱云一日何
三耳

論云...
泰山水之險
無奈此人何

身填隄廬居其上吏民皆走遵立不動而水波齊足而止公私壯其勇節

河水又東北逕衛國縣南東為郭口津河水又東逕

鄆城縣北一作國名

故城在河南一十八里王莽之鄆良也沅州舊治魏武創業始自於此河上之邑最為峻固晉八王故事曰東海王越治鄆城城無故自壞七十餘丈越惡之移治濮陽城南有魏使持節征西將軍太尉方城侯鄧艾廟廟南有艾碑秦建元十二年廣

水經注

卷五

二十七

武將軍沅州刺史關內侯安定彭超立河之南岸有新城宋寧朔將軍王玄謨前鋒入河所築也北岸有新臺鴻基層廣高數丈衛宣公所築新臺矣詩齊姜所賦也為廬關津臺東有小城崎嶇頽側臺枕河俗為之底閣城疑故關津都尉治也所未詳矣

河水又東北逕范縣之秦亭西

春秋經書築臺于秦者也

河水又東北逕委粟津

大河之北卽東武陽縣也

左會浮水故瀆

故瀆上承大河於頓丘縣而北出東逕繁陽故城南故應劭曰縣在繁水之陽張晏曰縣有繁淵春秋襄公二十年經書公與晉侯齊侯盟于澶淵杜預曰在頓丘縣南今名繁淵澶淵卽繁淵也亦謂之浮水焉昔魏徙大梁趙以中牟易魏故志曰趙南至浮水繁陽卽是瀆也

故瀆東絕大河故瀆東逕五鹿之野

水經注

八卷五

二十八

晉文公受塊於野人卽此處矣京相璠曰今衛國縣西北三十里有五鹿地今屬頓丘縣

浮水故瀆又東南逕國邑

城北故衛公國也漢光武以封周後也

又東逕衛國縣故城南古斟觀

應劭曰夏有觀扈卽此城也竹書紀年梁惠成王二年齊田壽率師伐趙圍觀觀降

左傳曰夏有觀扈謂五觀及右

扈也

浮水故瀆又東逕河牧城而東北出

郡國志曰衛故觀國姚姓有河牧城

又東北入東武陽縣東入河又有漯水出焉

戴延之謂之武陽也地理志曰漯水出東郡武陽縣今漯水上承河水於武陽縣東南西北逕武陽新城東曹操為東郡所治也引水自東門石竇北注于堂池池南故基尚存中城內又立一石甚大城西門名水井門門內曲中水井猶存門外有故臺號武陽臺匝臺亦有隅雉遺迹

河水又東逕武陽縣東范縣西而東北流也又東北

水經注

卷五

二十九

過東阿縣北河水於范縣東北流為倉亭津

述征記曰倉亭津在范縣界去東阿六十里魏土地記曰津在武陽縣東北七十里津河濟名也

河水又歷柯澤

春秋左傳襄公十四年衛孫文子敗公徒於柯澤

者也

今左傳作阿澤

逕東阿縣故城西而東北出流注

孫云此下疑有鄧里渠三字

河水枝津東出謂之鄧里渠也

又東北過在平縣西河自鄧里渠東北逕昌鄉亭北

逕碣磈城西

述征記曰碣磈

李云當作碣磈

津名也自黃河泛舟而渡

者皆為津也其城臨水西南崩于河宋元嘉二十

七年以王玄謨為寧朔將軍前鋒入河平碣磈守

之都督劉義恭以沙城不堪守召玄謨令毀城而

還後登城之魏立濟州治此也

王海引此作後更城之魏置鎮守名

濟州關河水衝其西南隅又崩于河即故在平縣也

應劭曰在名山也縣在山之平陸故曰在平也王

莽之功崇矣經曰大河在其西鄧里渠歷其東即

水經注

卷五

斯邑也昔石勒之隸師懽屯耕於在平聞鼓角鞞

鐸之聲於是縣也

十六國春秋云石勒年二十餘為并州刺史司馬騰所執枷送

冀州賣克軍賞東至平原賣與在平人師懽為奴每屯耕於野常聞鞞鐸音勒以告諸奴諸奴亦聞之而與柳城分河

河水又與鄧里渠水上承大河於東阿縣西東逕東

阿縣故城北

故衛邑也應仲瑗曰有西故稱東魏封曹雄為侯

國

按魏志曹植自築丘王從封東阿王非侯國也宗室中亦無曹雄

大城北門內

西側阜上有大井其巨若輪深六七丈歲嘗煮膠

以貢天府。本草所謂阿膠也。故世俗有阿井之名。縣出佳繒縑。故史記云。秦昭王服太阿之劍。阿縞之衣也。

又東北逕臨邑縣與將渠合。又北逕在平縣東臨邑縣故城西。北流入於河。河水又東北流逕四瀆津。

津西側岸臨河。有四瀆祠。東對四瀆口。河水東分。濟亦曰泲水。受河也。然榮口水右斷門不通。始自

是出東北流。逕九里與清水合。放泲瀆也。自河入濟。自泲入淮。自淮達江水。徑周通。故有四瀆之名。

水經注

卷五

三十一

也。昔趙殺鳴犢。仲尼臨河而嘆。自是而返。曰丘之

不濟命也夫。

鳴犢國語作鳴鐸。實雙字。

琴操以為孔子臨狄水

而歌云。狄水衍兮。風揚波。船楫顛倒。更相加。余按

臨濟故狄也。是濟所逕也。得其通稱。河水又逕楊

墟縣之故城。東俗猶謂是城曰陽城矣。河水又逕

在平城東。城內有故臺。世謂之時平城。非也。蓋在

時音相近耳。

又東北過高唐縣界。

河水於縣。泲水注之。水自城東北逕東武陽縣故

穀有脫文

譚云寫風水
虞厲之狀何
真虛夷

維指
八字疑是泲水

譚云言男女
則吏士舉家
至一丞更足
當八千餘人

城南應劭曰縣在武水之陽王莽之武昌也然則
漯水亦或武水也臧洪為東郡太守治此曹操圍
張超於雍丘洪以情義請袁紹救之不許洪與紹
絕紹圍洪城中無食洪呼吏士曰洪於大義不得
不死諸君無事空受此禍眾泣曰何忍捨明府也
男女八千餘人相枕而死洪不屈紹殺洪邑人陳
容為丞謂曰寧與臧洪同日死不與將軍同日生
紹又殺之士為傷歎今城四周紹圍郭尚存水匝
隍漚於城東北合為一瀆東北出郭逕陽平縣之

水經注

卷五

兩使字有誤

岡城西郡國志曰陽平縣有岡城亭逕陽平縣故
城東漢昭帝元平元年封丞相蔡義為侯國漯水
又北絕莘道城之西北有莘亭春秋桓公十年衛
宣公使伋使諸齊令盜待於莘伋壽繼殞於此亭
京相璠曰今平陽陽平縣北一十里有故莘亭道
阨陳蹊要自衛適齊之道也望新臺於河上感二
子於宿齡當作夙齡詩人乘舟誠可悲矣今縣東有二
子廟猶謂之孝祠矣漯水又東北逕樂平縣故城
東縣故清也漢高帝八年封空中於清史記年表
二云清簡侯

室中漢功臣表作室中徐廣云
一作室中索隱云室中姓也宣帝封許廣少弟

翁孫于樂平並為侯國王莽之清治矣漢章帝建始中更從今名也漂水又北逕聊城縣故城西城內有金城周匝有水南門有馳道絕水南出自外泛舟而行矣東門側有層臺秀出魯仲連所謂還高唐之兵卻聊城之衆者也

漂水又東北逕清河縣故城北

地理風俗記曰甘陵故清河清河在南一十七里今於甘陵縣故城東南無城以擬之直東二十里

水經注

卷五

三十三

有艾亭城東南四十里有此城擬即清河城也後蠻居之故世稱蠻城

漂水又東北逕文鄉城東南又東北逕博平縣故城南有層臺秀上王莽改之曰加睦也

右與黃溝同注川澤

黃溝承聊城郭水水泛則津注水耗則輟流自城東北出逕清河城南又東北逕攝城北春秋所謂聊攝以東也俗稱郭城非也城東西三里南北二里東西隅有金城城卑下墟郭尚存左右多墳隴

京相璠曰聊城縣東北三十里有故攝城今此城
西去聊城二十五六里許卽攝城者也

又東逕文鄉城又東南逕王城北

魏太常七年安平王鎮平原所築世謂之王城太
和二十三年罷鎮立平原郡治此城也

黃溝又東北逕左與漯水隱覆勢鎮河陸東出於高
唐縣大河右迤東注漯水矣

桑欽地理志曰漯水出高唐余按竹書穆天子傳
稱丁卯天子自五鹿東征釣於漯水以祭淑人是

水經注

卷五

三十四

曰祭丘巳巳天子東征食馬於漯水之上尋其泐
歷逕趣不得近出高唐也桑氏所言蓋津流出次
于所間也俗以是水上承於河亦謂之源河矣

漯水又東北逕援縣故城西

王莽之東順亭也杜預釋地曰濟南祝阿縣西北
有援城

漯水又逕高唐縣故城東

昔齊威王使盼子守高唐趙人不敢漁於河卽魯
仲連子謂田巴曰今楚軍南陽趙伐高唐者也春

秋左傳哀公十年趙鞅帥師伐齊取黎及轅毀高唐之郭杜預曰轅卽援也祝阿縣西北有高唐城
漂水又東北逕漂陰縣故城北
縣故黎邑也漢武帝元光三年封匈奴降王王莽更名翼城歷北漂陰城南伏琛謂之漂陽城南有魏沈州刺史劉岱碑地理風俗記曰平原漂陰縣今巨漂亭是也

漂水又東北逕著縣故城南又東北逕崔氏城北
春秋左傳襄公二十七年崔成請老崔氏者也杜

水經注

卷五

預釋地曰濟南東朝陽縣西北有崔氏城

漂水東南雜指作北逕東朝陽縣故城南

漢高帝六年封都尉華寄為侯國地理風俗記曰南陽有朝陽縣故加東地理志曰王莽之修治也

漂水又東逕漢徵君伏生墓南

碑碣尚存以明經為秦博士秦坑儒士伏生隱焉漢興教于齊魯之間文帝撰五經尚書大傳安車徵之年老不行乃使掌故歐陽生等受尚書於徵君號曰伏生者也

漯水又東逕鄒平縣故城北

有鄒侯國舜後姚姓也

又東北逕界東鄒城北

地理志曰千乘郡有東鄒縣

漯水又東北逕建信縣故城北

漢高帝七年封婁敬為侯國應劭曰臨沛縣西北

五十里有建信侯城都尉治故城者也

漯水又東北逕千乘縣二城間

漢高帝六年以為千乘郡王莽之建信也章帝建

水經注

卷五

三十六

初四年為王國和帝永元七年改為樂安郡故齊

也伏琛曰千乘城齊城西北一百五十里隔會水

即漯水之別名也

又東北為馬常坑

玉篇有坑字而勇切云地名也
按此注里數則坑是數澤之名

坑東西八十里南北三十里亂河枝流而入于海

河海之饒茲焉為最地里風俗記曰漯水東北至

千乘入海河盛則通津委海水耗則微涓絕流書

浮于濟漯亦是水者也

又東北過楊墟縣東商河出焉

形狀奔
勢極肖

鐘相按四清津

胡身之云班志無此
縣不知道元所謂
心者何志也

謹云用一漚
字書法妙下
語隱躍處但
見靜深之德

地理志曰楊墟平原之隸縣也漢景帝四年以封
齊悼惠王子將廬為侯國也城在高唐城之西南
經次于此是不比也商河首受河亦潑水及澤水
所潭水也淵而不流世謂之清水自此雖沙漲填
塞厥迹尚存歷澤而北俗謂之落里坑逕張公城
西又北重源潛發世謂之落里坑亦曰小漳河商
漳聲相近故字與讀移耳

商河又北逕平原縣東又逕安德縣故城南又東北
逕昌平縣故城南又東逕般縣故城南又東逕樂陵
水經注

卷五

縣故城南

漢宣帝地節四年封侍中史子長為侯國

商河又東逕初鄉縣故城南

高后八年封齊悼惠王子劉辟光為侯國也王莽
更之曰張鄉也應劭曰般縣東南六十里有初鄉
城故縣也

沙溝水注之

水南出大河之陽泉源之不合河者二百步其水
北流注商河

商河又東北流逕馬嶺城西北而流屈而東注南轉
逕城東

城在河曲之中東海王越斬汲桑於是城

商河又東北逕富平縣故城北

地理志曰侯國也王莽曰安樂亭應劭曰明帝更
名闕駟曰厭次縣本富平矣車騎將軍張安世之
封邑非也按漢書昭帝元鳳六年封右將軍張安
世爲富平侯薨子延壽嗣國在陳留別邑魏郡陳
留風俗傳曰陳留尉氏縣安陵鄉故富平縣也是

水經注

卷五

三十八

乃安世所食矣歲入租千餘萬延壽自以身無功
德何堪久居先人大國上書減戶天子以爲有讓
徙封平原并食一邑戶口如故而稅減半十三州
志曰明帝永平五年改曰厭次矣按史記高祖功
臣侯者年表高帝六年封元頃爲侯國徐廣音義
曰漢書作侯爰類舊本有是知厭次舊名非始明
帝蓋復故耳縣西有東方朔冢側有祠祠有神驗
水側有雲城漢武帝元封四年封齊孝王子劉信
爲侯國也

譚云異哉此
蒲知柔知剛

商河又分爲二水南水謂之長聚溝

東流傾注爲海溝為字疑南海側有蒲臺臺高八丈方二

百步三齊略記曰鬲城東南有蒲臺秦始皇東遊

海上於臺上蟠蒲繫馬至今歲蒲生縈委若有繫

狀似水楊可以爲箭今東去海三十里

北水世又謂之白薄瀆

東北流注于海水矣

大河又東北逕高唐縣故城西原作山誤

春秋左傳襄公十九年齊靈公廢太子光而立公

水經注

卷五

三十九

子牙以夙沙衛爲少傅齊侯卒崔杼逆光光立殺

公子牙於句瀆之丘衛奔高唐以叛京相璠曰本

平原縣也齊之西鄙也大河逕其西而不出其東

經言出東誤耳

大河又北逕張公城臨側河涘

衛青州刺史張治此故世謂之張公城水有津焉

名之曰張公渡

河水又北逕平原縣故城東

地理風俗記曰原博平也故曰平原矣縣故平原

疑有脫誤

郡治矣。漢高帝六年置王莽改曰河平也。晉灼曰齊西有平原河河水北過高唐縣即平原也。故經言河水逕高唐縣東非也。按地理志曰高唐平原也。高唐潔水所出平原則篤馬河導焉。明平原非高唐大河不得出其東審矣。

大河右溢世謂之其棗溝

水側多棗故俗取名焉。河盛則委泛水耗則輟流。故瀆又東北歷長隄逕溫陰縣北。溫陰宋本作潔陰

東逕著城北東為陂淀淵潭相接世謂之穢野薄

水經注

卷五

四十

河水又東北逕陽阿縣故城西

漢高帝六年封郎中萬訴為侯國。應劭曰溫陰宋本

作潔陰縣東南五十里有陽阿鄉故縣也

又東北過潔陰縣北河水自平原左逕安德城東而北為鹿角津東北逕般縣樂陵初鄉厭次縣故南厭

次河

漢安帝永初二年劇賊畢毫等數百乘船寇平原縣令劉雄門下小吏所輔浮舟追至厭次津與賊合戰並為賊擒求代雄毫縱雄於此津所輔可謂

孝盡愛敬、義極君臣矣。

河水又逕漯陰縣故城北

一作右逕

王莽之臣武縣也。

河水又東北漯沃津

孫云、漯沃誤、漢志千乘郡有溼沃縣

漯沃縣故城南王莽之延亭者也。地理風俗記曰：千乘縣西北五十里有大河，河北有漯沃城，故縣也。魏改為後部亭，今俗遂名之曰右輔城。

河水又東逕千乘城北

伏琛之所謂千乘北城者也。

水經注

卷五

四十一

又東北過黎城縣北，又東北過甲下邑。濟水從西來注之，又東北入于海。

河水又東分為二水，枝津東逕甲下城南，東南歷常

沈注濟

孫云、按上文有馬常坑，此沈字疑當作坑。

經言濟水注河水，自枝津東北流逕甲下邑北，世謂之倉于城，非也。又東北流入于海。淮南子曰：九折注為海而流不絕者，崑崙之輸也。尚書禹貢曰：夾右碣石入于河。山海經曰：碣石之山，繩水出焉，東流注于河。河之入海，舊在碣石，今川流可導，非

或是漢志因漯濕
字同轉寫而誤此
漯水所在作溼沃
亦義無取也第八
卷中亦作溼沃

帝... 言往者天... 通雨東北... 今加玉得... 省雨東字... 安石功

禹瀆也。周定王五年，河徙故瀆，故班固曰：商碣
移也。又以漢武帝元光二年，河又徙東郡，更注渤
海。是以漢司空掾王瓚言曰：往昔天嘗連北風，海
水溢西南，出侵數百里。故張君云：碣石在海中，蓋
淪於海水也。昔燕齊遼曠，分置營州，今城屆海濱，
海水北侵，城垂淪半。宋本作城垂淪者半。王瓚之言，信而有
徵，碣石入海，非無證矣。

注

卷五

四十一

八月十四日燈下園